



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Henrici || Svsonis Viri Sanctita-||te, Ervditione Et  
Mi-||racvlis Clari, Opera**

**Seuse, Heinrich**

**Coloniae, 1615**

Vt afflictiones cum laude & gratiarum actione in Deum sint referendæ.  
Capvt XXXIII.

**urn:nbn:de:hbz:466:1-38029**

nem me conuerto. Cumq; hæc atque eius generis pluraque alia intra seipsum blandè suauiterque locutus esset, raptus est extra sese, & antedicta cœpit laborare debilitate. Existimante autem & eo ipso, & alijs ipsum è viuis excessurum, redijt ad sese, corque exanime vitalem resumpsit spiritum, & membra ægrè affecta, sunt sanitati reddita, & pristinas recepit vires.

*Ut afflictiones cum laude & gratiarum actione in Deum sint referendæ.*

CAPVT XXXIII.

Qvodam tempore cum Minister afflictus diurnas suas concertationes alta mente perpenderet ac commemoraret, atque in iisdem occulta Dei stupendâq; indicia attenderet, conuertit sese ad Deum intimo cum gemitu, aitque: Externæ istæ cruces & afflictiones domine forinsecus non aliud videntur, quàm acutæ vepres & spinæ, ipsam carnem & ossa configentes. Quamobrem pijsime domine fructus aliquis suavis saluciferæ cuiusdam institutionis ex his asperis sentib. emanet, obsecro quo nos miseri tanto moderatius aduersa feramus, crucesque nostras in Dei laudem tanto melius referre sciamus. Postquam ille diu satis à Deo ser. id hæc petijisset, quandoq; intra seipsum & supra sese raptus fuit, sensibusq; destitutus corporeis, audiuit dominū isthęc verba suauiter ipsi pronunciantē: Equidē in præsentiarū excellētissimam vitæ meæ præstantiā ac dignitatem tibi patefaciam, reddamq; te certiore,

tiorem, vt homo afflictus, ea quæ patitur, cum  
 laude in DEVM refundere debeat. Hæc vbi ille  
 audiuit, animo totus liquefactus, sub illo me-  
 tis excessu præ immensa quadam cordis abun-  
 dantia, animæ suæ brachia in vastissimos caeli  
 terræq; fines extendit, gratias agens Deo cum  
 intimo ac ineffabili cordis affectu & desiderio  
 in hunc modum: Hactenus quidem mi Domi-  
 ne in scriptis meis te laudaui, te celebraui, te  
 extuli, commemorando & adhibendo in tuum  
 preconium, quicquid in creaturis omnibus  
 secundum & plausibile esse queat. At nunc in no-  
 uam quandam, compellor prorumpere me-  
 diam & encomium hauquaquam vstratum  
 quod nec ego ipse antehac compertum habui  
 nisi quod nunc demum in afflictionibus illis  
 didici: idq; eiusmodi est: Toris animi visceri-  
 bus medullitus concupisco, vt cruce & mor-  
 tis omnes quascunque ipse perpeffus sum, &  
 que quorumlibet aliorum dolores & angores,  
 vulnerum omnium acerbitates, ægrotorum  
 omnium cruciatus, mœrentium quorumlibet  
 que gemitus, plorantium lachrymæ, oppres-  
 sorum contemptus & contumeliæ, viduarum  
 pupillorum omnis opis expertium penuriam  
 pauperum ac esurientium arida fames & sitis,  
 martyrum cunctorum profusus sanguis, con-  
 tinuum adhuc ætate florida vigentium propriam  
 voluntatis abnegatio, quorumlibet Dei am-  
 corum aspera, & rigida exercitia, occultæ  
 & manifestæ afflictiones & dolores om-  
 nes, quos vel ego, vel quiuis vnquam miser  
 calamitosus homo sustinuerit in corpore, &  
 facultatibus, in honore, in prosperis & aduer-  
 sis.

OIV  
 45

sis, & quicquid demum ad vltimum vsq; diem  
 quisquam vnquam perpeffurus est, vt ea, in-  
 quam, omnia in tui Deus Pater laudem cedant  
 sempiternam, & pro nobis patienti vnigenito  
 filio tuo honori sint & gloria in secula seculo-  
 rum. Adhæc miser ego seruus tuus, afflictorum  
 omnium, qui fortassis crucibus suis rectè vti  
 non nouerunt, te patienti & grato animo lau-  
 dando, vices fideliter implere appeto, atque il-  
 lorum perpeffiones & molestias ipsorum loco  
 in tui laudem refero, quocumque demum illi  
 passi sint modo, easdemq; eorum vice tibi of-  
 fero in vnigeniti dirè perpeffi filij tui laudem  
 perennem, ipsorumq; afflictorum hominum  
 consolationem, siue etiamnum præsens secu-  
 lum eos in carne retineat, siue iam futurū exu-  
 tos corpore susceperit. Quæso miseri & afflicti  
 omnes, qui vna mecum cruces patimini, ocu-  
 los auresq; in me conijcite, & dicta mea atten-  
 tius auscultate. Decet nimirum gaudio & con-  
 solatione affici nos, quamuis afflictos, cõtem-  
 platione dignissimi capitis ac Domini nostri  
 Iesu Christi, qui prior cruces multiuarias ex-  
 pertus est, aded vt in terris degens, nullum vn-  
 quam lætum diem duxerit. Certè si in humili  
 & vili quadam familia non nisi vnus esset ho-  
 mo opulentus, tota illa cognatio haud dubiè  
 eo nomine sibi gratularetur. O I E S V pijsime,  
 præclarissimum caput omnium nostrum cru-  
 ce laborantium, esto nobis propitius, atque v-  
 bi ex humana fragilitate in qualibet afflictio-  
 ne à vera patientia deficimus, tu id apud patrē  
 cælestem sarcias perficiasque. Memento domi-  
 ne, vt quandoque vni ex famulis tuis in ipsa

Na sua

sua aduersitate propemodum desperante  
 tuleris, dicens ei: Bono sis animo fili: me respice.  
 En ego ipse & clarissimis fui ortus natalibus  
 & tamen inops & pauper vir in hoc mundo  
 mul & tenerimus etiam & miserrimus: ex sum-  
 mis tui gaudijs editus, ac nihilominus totum  
 me dolor & crux obsederat. Agedum igitur  
 quotquot sumus summi illius Imperatoris  
 strenui milites, nequaquam animis fragamus  
 quotquot præclarissimum illum ducem sequi-  
 mur, pectus virile sumamus, nec inuiti fieri-  
 mus post illum crucem nostram. Enim uero  
 nulla alia esset afflictionis utilitas, quam quod  
 speculo illi lucidissimo Domino Iesu Christo  
 tanto efficiamur similiore, quanto eum uerius  
 sectamur, esset ea profectò magna satis. Ego-  
 dem sic mihi persuadeo, etiamsi idem post hanc  
 vitam esset præmium daturus Deus patienti-  
 bus & non patientibus aduersa, adhuc tamen  
 meritò potius crucem nos pati uelle debet  
 tantum illius similitudinis obtinendæ causa.  
 Amans namque, suo se conformat adiungit  
 dilecto ubicumque potest. Sed qua ratione  
 tentare aut appetere audemus Iesu rex inuicibilis-  
 sime, ut patiendo tibi conformes & assimilabiles  
 efficiamur? O quantum interest inter afflictio-  
 nes tuas & nostras. Tu solus es Domine, qui  
 grauissimè passus es, & tamen nullam unquam  
 crucem commeruisti. Quis uero gloriari de illa  
 possit alius, nullam se unquam meruisse afflic-  
 tionem? Nam etsi una ex parte præter meri-  
 tum patiarur, ex alia tamen habet unde affligi  
 dignus sit. Itaque omnes nos quicumque unquam  
 afflictiones perpepsi sumus, in amplissimum  
 orbem

Afflictionum  
 Quanta uti-  
 litas.

Multum in-  
 ter nostras  
 Seruatorisq;  
 nostri crucis  
 interesse.

orbem vndique confedemus, & te suavissimū  
amicum nostrum in ipsa media afflictorum o-  
mnia corona vel circulo collocamus, arentes-  
que venas nostras præ ingenti desiderio erga te  
omnis gratiæ vitalem fontem latè expandi-  
mus. Solet autem humus præ ariditate vel ma-  
ximè scissa vbertim fusos imbres copiosius ex-  
cipere. Ita etiam nos fragiles multisque culpis  
obnoxij, quanto maiori tibi debito obstricti  
tenemur, tanto magis dilatatis ac hiantibus a-  
nimis & cordibus te intra nos complectimur,  
& quemadmodum tu ipse sacro ore testatus es,  
vel inuitis omnibus volumus ex largiter ma-  
nantibus vulneribus tuis ablui, atque modis  
omnibus ab omni culpa & reatu penitus expia-  
ri: vnde & tibi perennis laus honorq; ex no-  
his refertur, nosque ex te gratiam consequi-  
mur. Ista namque efficacissima virtute pre-  
ciosi sanguinis tui omnis nostra dissimilitu-  
do aboletur. Posteaquam Minister Sapien-  
tiæ diu satis ita quietus resedisset, donec in  
intimis animæ eius penetralibus cuncta hæc  
seruò admodum reuelata essent, deindè surre-  
xit lætus & alacer, egitque gratias Deo pro hac  
præstita sibi gratia.

*Ut Deus afflictos in hoc seculo in ipso eorum afflictionibus  
recreet & consoletur.*

CAPVT XXXIV.

**Q**uadã Paschalis solennitatis die Minister  
Sapientiæ iucundo erat animo. Sedes igitur  
pro suo more eo in loco, vbi quietè  
Nn 2 paulif.